

南木誌

七



番外

和書門			
一六〇三七	二〇三七	二一三七	二二三七
八	一	九	七
冊	架	函	號


內閣文庫			
五五函	一五〇三七	二〇三七	二一三七
八	八	八	七
架	冊	號	類

史傳載紀

內閣文庫			
番號	和	16037	
冊數	8 ( 7 )		
函號	155	271	







南木誌卷七

詩

楠公正成於櫻井驛教諭正行圖

林忠


菊水旗輝櫻井雲忠臣孝子合還分最思遺虎擊搏

賊唯願養雛扶翼君合願玉舞欲滿而真前無私

天王寺未來記 林靖

廢戶太子未來記聞說秘在天王寺未審何者妄修

成誣世唆人託名字尋思此書果無有流俗所說皆





虛僞百世損益固可知真是聖門學問事頑祥歿孽  
亦前知著龜之談何容易若非聰睿豈其然廐戶到  
此安望企漢崇識緯誤取信君山深誹不畏避童謠  
巫言人多驚時或偶合無正義浮誕亂真宜攘斥縱  
有此書亦同類借用佛氏三世說應是事端為遊戲  
乍想元弘蒙塵日楠氏奇才真將帥胷中分明察時  
機一朝來寺呈劍馴揚言此書得密窺東魚西鳥語  
最異官兵次節皆鋒起平賊敗區從茲始豈圖無用  
一卷書却為義軍謀策利

楠公

木下貞幹

獨木支天下有誰攀厥喬一心存北闕三世護南朝  
遺愛借河內餘寬激浙潮忠魂儼如在楚些不須招

題楠公畫像

伊藤維楨

計謀駢駕漢充國信義差肩蜀孔明昔日若遭湯武  
主定知勲業匹阿衡

楠正成與正行湊川夜語圖菊池東勻

社稷貽謀一夜中歿生明日各西東芳名千古湊川  
水直到如今流不窮

弔楠公

宇都宮由的

南庭自入君王夢盡節獻言揚美名赤阪城中功已



顯金剛山上術何精臨行誠子忠臣志見義報讎良  
將情千古官軍無限恨湊川戰死使人驚

後醍醐帝夢楠正成 林慤

帝嘗艱難狩笠置可喜天童偶來此六十餘州皆北  
條一夢幸得南木氏

楠正行

正行勇名顯怨讎難一洗四條繩手場悔使師直免

楠正行贊 林恣

河內原開郡英名天下知兵書傳父法羽扇出王師  
未破漢家虜寧鞭楚國尸北流水猶在千歲一生悲

金剛山 安藤守經

夙欽楠氏智謀工蓋世名因蓋世功人傑地靈今見

昔金剛山與峴山同

楠公 長井定宗

一承諾命徹心肺寤寐誓期王道新討賊神機奇又  
正用兵素志義兼仁朝廷興廢引歸已宇內安危自  
繫身為問夏夷今古際儒生氣象更何人

過楠子墓作 梁田邦美

梗楠支大厦天日炤孤忠邱隴煮蒿在古今感慨同  
駿材思冀北龍德望隆中不見旌旗色秋花颭水風



謁楠公墓

三宅緝明

一從廟算失元勳海自蒼茫山自紛當日臣軀唯粉  
碎後來皇統遂瓜分血凝地上青、草怨過嶠巔漢  
、雲獨有遺心懷故國依然南向岳王墳

其二

喬松孤倚早秋天涼度軒楹思欲仙龍臥白雲生再  
、鶴歸明月照娟、地中琥珀侵坏湧風外笙簧隔  
箔傳應有多勇爭獻口輪困蓋影蔭萃筵

楠公

松井良直

嗟夫南木氏秀拔古今雄敏達王源潔諸兄楠委洪

箕裘馴甲冑鬣熟桑蓬天賦本清粹學功更擴充  
青松觀其節蒼海察其忠膽氣持身直心量待士公  
六韜經暝眩三略極玲瓏事、歸知幾家、入折衷  
良平筵席接責育戶庭通帷幄先謀始于戈卽括終  
因茲蒙密詔於此拜重瞳孤立只形影對談皆啞聾  
奮然霞表鶴卓爾嶺頭熊體魄縱陳野武名爭比凍  
開基河內國施巧宇都宮淺尾甘臣僕田橋擬幼童  
割據隣帝畿陵轢及關東近境渾懷惠遠方漸向風  
八州強敵上一里小城中檐滴涓、積軍糧壘、崇  
移來函谷險占得蜀山豐金鼓令湛水指揮勢吐虹



灌湯排萬卒投石碎千衆燿火堪歎據雲梯不見工  
偶人如有意間者似無躬唯謹朝昏守却曠日夜攻  
故新讎豈限奇正計何窮消跡獸走擴解圍鳥出籠  
逆徒爰滅盡聖主再興隆絕繼且休馬弛弦欲息弓  
奸邪交作害勲業忽爲空難矣湊川措寃哉刃下終  
荒埔長歷、亂草轉芄、運命思飛將變機感塞翁  
喜言兼善行北狄又西戎好是乾坤際流芳曠世同

望葛城山

服元喬

葛城山上白雲邊萬古千秋白日懸云是昔人飛升  
路只今何處覓神仙連山東南赴大嶽拱如群帝朝

中天往昔妖星海北斗元弘天子下殿走鯨垣南山  
建行宮谿谷關門分隘守曾昇宸庭夢賚弼維南有  
木捧天日英雄心事兼精忠誰知管葛期儔匹紆帶  
崢嶸據葛城雲梯仰攻天下兵百萬傷敗不遑救應  
敵從來策轉明運移回復雖不就至今到處存功名  
當年順逆今安在一望浮雲共變態行人回首入須  
叟古今天地君休憫君不見小角仙人拊髀遊白雲  
空駐葛城頭

楠公

覽芳野宮跡  
五首之一

楠公慷慨昔登壇寇望旄頭破膽寒河內拜恩懸日



誓葛城圖敵倚雲看一身已殉勤王略三世猶勞復  
祚難關外恃乘豺虎亂南方歲月委偏安

千劍破懷古  
大鳴常久

車駕南遷社稷傾楠君倡義據孤城龍翰豹略無遺  
策壓倒關東百萬兵

其二

楠家三世扶王室百戰致身軍務勞終古人問口碑  
在聲名鎮與此山高

湊川楠廷尉墓  
湯元禎

遺愛題碑攝水陰千秋戰色轉蕭森股肱力竭勤王

詔社稷時危捧日心玉帳鼓俱將星斷龍蛇氣倏陣  
雲沈中興躍馬空黃土無奈長歌淚墮襟

楠廷尉墓

星落壯圖折封冢今在茲碑文苔蘚古道路野花滋  
百戰英雄略中原國士悲軍威如在日寧復見旌旗

其二

思昔節制師西征上表時軍容辭鳳闕戰士擁虹旗  
殺氣風雲散雄圖日月垂忠臣千載碣讀罷自淒其

湊川懷古

關河日色欲黃昏千載淒然舊血痕獨哭將軍坐惆



恨唯看春草滿荒原

其二

落日蕭條草木深路傍古廟銷春陰武侯一去賢豪盡掩淚徒傷梁父吟

楠公湊川古跡

鵜孟一

頻年戎馬滿京城敢向宗國問鼎輕曾入君王南木夢爭知將帥蜀龍名漢營一夜星空隕雄略中原塵未清灑淚行人湊川水千秋誰不仰神明

弔楠公

懷古雜咏八首之一

釋原資

楠公雄略鼓風雷可惜中原綱紀頽台嶺偏裨勞百

戰攝川旌節不重回鬼神未測韓彭策天地空生管葛才海上孤碑爭墮淚年々春雨洗青苔

題楠廷尉留子圖

劉維翰

龍飛北極暗風雲百戰空驅豺虎群西海波濤金鼓振中朝日月鉞旄分忘軀枉失鷹揚據留嫡猶勞堂構勲預識頽綱難剪賊割恩殉國攝川軍

千劍懷古

孔文雄

諸葛以來第一人雄圖世築倚嶙峋重圍兵士崩如土十丈雲梯燔作塵楚子卽今驕問鼎都亭猶未暇埋輪澄清縱使中途廢名署麒麟閣上臣



楠君正行墓下作  
刈谷村傍有古墳土人傳是小楠君可憐征北生前  
恨結作峯頭一片雲

楠廷尉

野公臺

中原喪亂虎縱橫一代忠臣萬古名徒使英風振宇  
宙難將長策保京城衣冠政事違文德將帥指揮虛  
武成身歿威靈終不滅千秋碧血有餘清

題楠公像

賚弼南柯夢勤王卽墨帥回天力纔展捧日運終移  
狗國仍三世興家彼一時精忠比諸葛宇宙大名垂

楠廷尉墓下作

伊藤一元

烽火再起九州傍百萬戰艦度大洋逐鹿未知歿誰  
手中原安危夏茫々鳳闕分符楠正成正成奉勅心  
不平運籌帷中諫屢阻發憤決歿辭帝京黃雀啄金  
殿白日蔽浮雲讒諛多顯達孰辨蘭與葷駐馬櫻井  
驛遠略屬遺文竊召正行示心衷十歲已解獅子雄  
互指天涯意悲壯無言父子各西東勇猛直趣兵庫  
浦鐵騎不驕靡部伍簇雲營開龍鱗動趨風陣移虎  
翼怒終日酣戰氣縱橫鼓聲如雷箭如雨足利前軍  
半披靡英姿颯爽振今古黃沙四而捲狼煙白刃八



交金甲穿此日官兵果敗走不奈將星隕湊川水色  
東流去不歸遙欽英風懷昔時盛名下誰不墮淚鳴  
呼忠臣楠子碑

楠公

小栗元愷

大駕播遷感夢時皇居僅托向南枝一門報國心何  
切千劍守城策數奇白日青天披肺腑黃花綠水照  
旌旗誰言河上身空朽史筆芳聲萬古垂

題楠廷尉墓

板倉安世

偏勤王事遂無違致命弟兄心相依今看田間餘墓  
石離、禾黍淚霑衣

湊川覽古

秋以正

長松隄上鬱蒼々古戰場頭殺氣揚逆賊忠臣共黃  
土秋風偏使客心傷

楠公墓下作

釋無隱

風樹蕭々浦上秋楠君墓畔思悠々誰知日月爭光  
處一片忠心枯觸體

謁楠公墓

釋淨壽

維昔龍顏怒震天築壇開幕爲徵賢募兵完聚金剛  
嶺承旨來朝筮置巔三出奉居危急日一心許國中  
興年大勲朱集身先歿英氣千秋自凜然



題楠帶刀君墓

龍公美

壯哉小楠子戰伐一時英雲亂旌旗色風搖鼓角聲  
烟塵南與北忠勇弟將兄綠草空埋石依然餘大名

過四條隄小楠公戰處

孤墳長隄畔人稱小楠名古木悲風起猶為叱咤聲

湊川楠公墓

安達脩

雄才龍臥閉衡門夢裡風雲感至尊  
渙汗親承青瑣闥戎衣近衛紫微垣  
登壇直作三軍帥分土殊蒙萬戶恩  
南走峯巒朝御嶽東來氛祲犯中原  
日斜酣戰何能奮星墜連營忽自昏  
傾覆全因衰世運忠良終

是大名存河邊行弔蒼波湧墳上看悲蔓草繁千載  
空餘一片石躊躇誰不墜啼痕

過楠子墓

原瑜

當年王愾凝妖氛夢斷非熊名姓聞行殿論兵據遠  
略圍城走敵奏奇勲荒陵初布龍蛇陣古寺曾撥石  
室文徒有忠誠貫宇宙原頭秋草擁孤墳

楠子墓

紀德民

忽入君王夢殊恩一見招英風蒙北地忠烈動南朝  
死守千秋節名成百代標如何將星落廟略竟寥寥

楠廷尉

井通熈



神武乾元德八洲開國時宰無牆茨毀野有康哉怡  
漸之秦移否翻之羊失岐 翻皇憂社稷平帥汚洪  
基黑夜交仙仗翠螺變玉墀笠峰分虎竹南木是人  
麒生不遇堯舜天何下呂伊金剛周壘壁赤坂斃熊  
羆百戰三軍靡一奇萬卒披揮旄山勢動操斧殺聲  
悲泝水迴城遠巉岳上月遲轅門叫峽狙幕府鑿胡  
兒惟此神機密誰知龜六宜本朝方復古長舌再泯  
奔帝里還追鹿鳳池夏雜夷西蠻搖海際北粵掠雲  
涯叢棘遮雙眼飄風羶四維臥龍圖不用躍馬力難  
欺櫻井遺庭訓湊川斷釣絲霜同王氣滅秋共電光

忽發君王夢登壇宮樹南四海烟塵合天兵戰且酣

其二

四海群雄起中原未掃塵君王南狩夢孰與傳巖人

楠廷尉讀識圖

夢裏師臣契手披讖緯文風塵天地暗不敢解南軍

謁楠公墓

星野龍

曠世雄圖誰肯論欲臨荒塚賦招魂羆熊曾入周王

夢魚水纔抱蜀主恩自識死生關社稷更看忠義動

乾坤旻天不弔中興志光烈長同日月存

拜楠公墓感賦

片岡正英

神武乾元德八洲開國時宰無牆茨毀野有康哉怡

漸之秦移否翻之羊失岐 翻皇憂社稷平帥汚洪

基黑夜交仙仗翠螺變玉墀笠峰分虎竹南木是人

麒生不遇堯舜天何下呂伊金剛周壘壁赤坂斃熊

羆百戰三軍靡一奇萬卒披揮旄山勢動操斧殺聲

悲泝水迴城遠巉岳上月遲轅門叫峽狙幕府鑿胡

兒惟此神機密誰知龜六宜本朝方復古長舌再泯

奔帝里還追鹿鳳池夏雜夷西蠻搖海際北粵掠雲

涯叢棘遮雙眼飄風羶四維臥龍圖不用躍馬力難

欺櫻井遺庭訓湊川斷釣絲霜同王氣滅秋共電光



袁名餘後代規義侯尚忠武旭日照春碑

賦楠公正行

十三嚴父命夙夜思箕裘幸有慈嫻淑懇頌漢主憂  
星霜漸養驥歲月全安劉鬼雨起藤寺雷鳴擊墨洲  
都門撥窠窟帝里臥貔貅鍾美傳三子握奇震九州  
浮雲策焉有荒冢水空流千歲秋風恨草蒿吹不休

過楠公墓

東方諸葛振英名一片丹心不覓生千歲秋風人墮  
淚長教天日照墳塋

經楠廷尉墓

楠雍

皇祚竟難復慨然辭紫宸據書京口斷戰鼓海門空  
三世傳餘烈千年欽至忠蕭、何所見禾黍領秋風

題楠廷尉圖

岡田挺之

河內將家元有名惟中運策自縱橫傳巖占夢人爭  
識卽惡解圍功亦成俱覩一朝回墜日誰圖萬里失  
長城休言恢復多遺憾歿節偏含報主情

楠中將

天王出狩護非熊良弼賚來夢卜中指掌烟塵歸畫  
策揮鞭草木借威風二千堅陣真無敵百萬重圍忽  
欲空時命徒違恢復志憂勤更與武侯同



楠檢非違使正行

將門仍見有忠臣弱冠談兵迥出倫不忍王官居草  
莽欲當吾世辨風塵陞辭揮淚低頭久野戰摧鋒喋  
血新多病平生期馬革一時誰不抱酸辛

湊川懷古

藪慙

南朝一口喪元戎歎息長城萬里空但使兵機由闔  
外何憂寇盜滿寰中身無尺鐵軍猶奮手撫千瘡氣  
更雄只有川頭片碣在不禁雙淚隨秋風

楠中將四百回忌辰賦以頌遺烈

中井積善

鎌府凶氛逼帝州元弘天子聖襟憂南枝入夢恟  
良弼中嶽降神成好仇世系本班宗宰藉兵機夙拔  
略韜尤門庭拜受登壇詔行在敷陳經國猷蓋嶺六  
軍雖失守磐城百戰豈忘讎苦辛殆鑿睢陽鼠勲績  
翻馳卽墨牛群牧承風爭歛血元兇服罪蚤傳頭明  
皇西蜀回仙蹕郭相東京隴翠蚪支黨一麾甘斧質  
寰區再造戢戈矛赤心非賴懸天日紫極何緣仰冕  
旒合要麒麟聲譽最弗論茅土寵恩優磨崖堪刻中  
興頌擊壤將賡至治謳何料逸騏愆穆滿終遭哲婦  
滅宗周兩狼假使當前路單柱猶能支側樓隨撲隨



燄原上火載沈載浮水中舟集蠅止棘驅難去五馬  
辭京挽不留義似比于剖心口迹同諸葛致身秋囑  
孤偏示後猊訓殉國寧爲子孫謀突騎縱橫摧賊陣  
英魂倏忽逐吳鉤衮衣亾補生奚用社稷存靈灰未  
休旌鉞三傳王氣盡星霜四百霸圖收湊川片石欽  
遺烈蘋薦人之涕泗流

楠中將

靖州神武氣鍾秀降楠公未盡擎天力長懸貫日忠

楠中將像

中井積德

中興勲業藏胸中玉展旣卜南柯夢揮戈能回西沒

日一木胡支大厦崩湊川秋雨孤墳在風雲空想菊  
水旗

楠公訓子圖

有斯父而有斯子一卷素書留芳轍他日行宮題壁  
名字宙之間永不滅

題千窟戰圖

兵喪氣者鳥音朽株皆爲之難將得算者霧  
露葉草都爲之用若此圖是也抑亦英雄之  
遊戲而可以鼓動倦卒之氣吾天樂樓上倚  
檻東南望縹緲出沒於雲霧之中者金剛山



也故屢得詩而皆忘之唯記一絕遂筆于此  
傍人不解意問我何所視雲間金剛山曾賜菊水旂

湊川懷古

武庫山前感慨深孤碑寂寞傍幽尋  
運籌難救廟堂大授命偏甘鋒鏑侵  
七世綿亾賊詛千秋凜亾捧  
大心君王悼惜何嗟及追贈于今仰德音

過楠廷尉墓

三野無逸

湊川他日役甲冑出軍門義勇從王事  
忠勤誓衆言兵火焚宗廟豺狼走曠原  
力窮吞志瘞百里陣雲昏  
過楠廷尉舊跡蓋公所嘗讀書處

書劍隱河陽丹心豈可忘妖星離北闕  
群兇起東方哀詔從天降壯夫接地望  
何圖他日夢南木獨蒼亾

千劍城懷古

睨寇高相據城中志不分紫綸稱勇略  
青史載忠勲矢下千峰雨旗搖萬壑雲  
登臨情不極空此仰遺芬

楠河州公四百五十年諱辰其裔楠元章募帛

古詩謹賦二律應焉 合離

都下煙塵生自東翠華潛幸一山中  
非因聖夢徵良弼寧解虜圍成大功  
河內風雲難彼會南朝日月照誰忠  
諛言反覆終何免可惜無全社稷躬



其二

四遊尚記感當時  
屹立湊川片石碑  
縱耐勤王用翰  
略豈圖殉國定  
興衰流通兵庫  
津頭閑雲起  
金剛峰頂旗  
四百五旬追遠日  
裔孫一屋世良鑒

過楠公墓

四海煙塵彼一時  
河州翰略護鴻基  
其如僂屨當朝  
害遂是忠良舉  
世悲海泊于今聲  
叱咤湊川何日血  
淋漓身終社稷名  
傳世過客拱看貞  
石碑

過小楠公墓

天不助良將  
南朝社稷傾  
書幼授櫻井  
戰初勲飯盛

殉國三州守勤王  
二代名最稱辭  
祭纓苦碣剝看銘

湊河楠公墓

中山廷冲

赫々忠魂大海涯  
廟謨偏惜失佳期  
君臣締契元占  
夢生夙定心茲出  
師已耐殘旗奔馬  
達空依荒塚認  
要離還看遠客題  
鴻筆千載無恥有  
道碑

楠廷尉墓

林世興

正入 醍皇夢徵書  
下館亭雄風驚北  
地忠烈壓南庭未  
果吞仇敵堪憐落  
將星遺墳留此處  
草色幾年青

湊河楠公墓

川榮壽



鳳輦蒙塵日楠公忼慨哉盛名傳郡國閑宇鎖蒿萊  
未得銓衡舉無緣袞職陪南山藏豹意蜀地臥龍才  
飛檄文方至出師表未裁君王占夢後將帥督兵來  
適值風雲會誓將煙霧開乾坤耽殺伐社稷殆傾頽  
弓影塞初月鼓聲鬪奮雷旋抽從杳渺完聚倚崔嵬  
苦戰金峰下焦心紫闕隈中原招外寇大道滿殘灰  
兩陣人多沒千軍骨作堆運移星忽隕衆散士偏哀  
雄略一朝盡英魂三代回妖氛秋野起燐火暮天催  
舊血霜青草新碑生碧苔誰知懷古客揮淚獨徘徊

千早懷古

岳融

建武蒙塵日孤軍嶺上雄楠公開壘避平氏合羆熊  
億兆心非一三千德自同雲梯懸樹抄雷鼓應天中  
蟻附徒顛壑鷹揚盡擊空血流殷澗水尸積腥松風  
墨翟守終固川單謀不窮英名搖俊傑義氣沸鈞洪  
兵甲生牆內鯨鯢仆海東鳥棲山下幕月照草間弓  
群盜逃荒裔回鑿入舊宮乾坤便豁達日月更玲瓏  
依阻崎嶇勢定成恢復功唯看卷石大萬古鬱葱葱  
觀楠廷尉圖有感  
家山虎  
元弘草昧中姦賊侵  
王室祥來天地凶  
失陰陽  
吉偶得傳巖夢倏起臥龍質  
舊舍伊尹忠時發太公



術坐謀皆成義行陣每以律雖常竭仁智奈或多矧  
嫉群卿心不同諸將計非一旦無懷怨咎猶將能輔  
泐工致牛馬運勇如能罷逸築城王師勁揚旌敵軍  
慄人心未協和天道何陰隲豫慮世興廢終決命得  
失櫻驛離別情湊川遺言筆可惜少嗣勇不遂夫子  
實嗚呼千歲後長使人憂恤

楠判官

河子龍

南枝靈兆夢初回帝下丹書到草萊赤坂神兵變  
龍虎劍城奇計鼓風雷遂令北極星辰共再見中興  
日月開竹帛功名傳不朽千秋誰比武侯才

楠正行

岡元鳳

南朝興廢向誰論芳野雲深護至尊臣節寧忘王紐  
解將門復見父風存連枝棣萼傳遺愛一樹榎楠守  
古根不負精忠能報主殘阻淪波鵠鴿原

楠正儀

左鳳

一從芳嶺駐仙輿幾度出師堪奏書三世功勳纘祖  
業百年威烈護皇居身殲河內驅貔後名殉中原  
逐鹿餘衰運策窮神器徙離黍麥滿殷墟

楠三位廟有感

內山之明

君道未終臣道終楠公千古一孤忠豺狼當道三光



暗蟲賊在心萬計空翰路遺家永訣恨風雲報國中  
興功徒傳涓水豉蒐日能使羆熊感夢中

櫻井驛

臨訣訓兒櫻井東楠公可謂有初終義方兼授孫吳  
術臣道更傳亮瞻忠曾爲天機開相馬謖勞帝夢作  
非熊否中亨在誰能識竹帛大名獨自雄

其二

三顧一從起草廬受任遮莫主恩疎南征北伐功非  
小背水囊沙計有餘惜別龍顏辭瑣闥貽謀鳳卵  
照門閭忠魂身後猶何止成敗更無關毀譽

題南帝召楠子圖

諸葛蠡

非占傅岳夢社稷將烏歸周室東遷日無復晉鄭依

謁楠公墓

平賀晉民

荒涼蔓草古墳前揮淚遙懷建武年三世雄圖徵夢  
卜兩朝開濟入雲天庫山依舊長風色湊水無窮空  
逝川偏恨豺狼當路處鯨鯢漏朝更吞舩

湊川懷古

池匡卿

片碣苔封一路深楠公遺蹟此相尋中朝自許繁纓  
請四海頻開逐庶心曠世英雄空寂寞偏安天統  
竟銷沈浮雲蔽日傷情切流水滔々變古今



謁楠公墓

松延年

楠公墳墓湊川東荒草田間一路通墮淚望碑思往事運籌於史見遺功浮雲千載能無恨白日孤軍不負忠誰道傳巖嘗入夢還傷兆應失非熊

湊川懷古

平賀周藏

風雲千載仰精忠明將我邦諸葛公卿里貽謀留孺子軍門投命決雌雄艱危非失勤王策生歿寧忘復祚功殘菊秋寒河畔暮漂流隨水自西東

題楠公遺命其子正行圖

西山正

將星將隕陣雲垂授命貽謀不自私千古孤忠三世

後回天籌策復傳誰

楠正成

柴邦彥

單肩捧日再中天滿地賊氛消若煙萬古不泯忠義志七星果見闔門賢

湊川

賴惟完

湊川誰不弔楠公直向碑亭小逕通臨歿言同睢陽烈出師謀比武侯忠倘無哲婦傾城惑夙有良臣補袞功皇天不識是何意遂使當年夢賚空

千窟城秋望

里老于今傳戰略嬰城徇國倚隣响沈機慶敵真如



鼠奇畫行師實是神五所澗泉縈古壘滿山雲木冷  
秋旻那知身後分南北憐殺楠公枉苦辛

湊河

當此小春候如何雨若霧栖之行旅客拜過楠公墓

楠公墓下作

徑路一條人不迷忠臣碑外草萋萋春風無數告天  
子誰為殷勤雲裏啼

小楠

賴惟柔

香車繡幙艷姬在裡啼冤黜聞說為老賊奴詐謀所  
奪嗚咽聞路上遇士懷奇節窮詰牽返故山花底行

闕君王大喜因賜渠瑤質自恁儂不長存偕老難成  
約忼慨陳歌固辭尤物不近粉黛歿於王敵

經楠子墓

中嶋漁

百戰勤王日兩朝汗馬秋傷心湊川水萬古向南流

楠公

內藤景文

夢應君王南木枝潛龍曾似臥茅茨賊迷妙策烟塵  
色人慕威風菊水旗一里孤城當萬國寸心雄略出  
千奇浮雲蔽日金峰暮傷殺湊河星墜時

楠公墓

鈴木恭

嘗聞夜半照妖星濱海遺墳偶此經芳草春深繞階



砌浪烟時接傍窗櫺休言逐鹿身徒死却是臥龍眠  
始醒欲弔精魂無薦設河洲何處索蘋萍

楠公墓

維嶽降神非偶然君王吉夢得名賢杞楠構厦功勳  
大桃李滿門忠孝全奇策不窮開闢外沈機自決廢  
興前湊川墳墓誰旌表萬古貞心日月懸

謁楠公墓

長玄珠  
疆防狂寇勢金鼓動乾坤殺氣西風競浮雲北極昏  
腹心推士卒忠盡及兒孫遺碣仰功德行人掩淚痕

楠子墓下作

樺鳴公禮

將軍方跋扈天子久愁容入夢殷巖築致身蜀臥  
龍忠謀原變出恢復自功宗誰料晨牝厄重招夜鳥  
凶浮雲悲白日寒威見青松垂淚辭皇闕甘心赴  
敵鋒摩峯長蠹湊水更溶家世傳翰略名聲存  
鼎鐘英風傷與代壯士吊遺蹤唯有嗚乎碣千秋碧  
蘚封

楠正行

建武朝廷不可論浮雲白日暗乾坤君看櫻井亭  
邊淚凝作四條忠義魂

咏古

藤田一正



南州詠史 卷之七 九二  
天子蒙塵立置宮楠公忠直有誰同一旅勤王摧百萬英雄千載凜威風

詠史

大城煥

天綱一解紐 王室如懸壺區區方寸地常懷寰宇寡一朝風雲合龍光近冕旒雖無和羹重時有借箸籌夢賚同傳說恢復想武侯炎沙赤坂上藁人金剛  
阪已除豺狼害無奈虓虎騰藩屏將何在瓦解又土崩神算無端倪衰運難可與忠肝貫日月義氣激千秋

謁楠中將墓

三宅邦

振古算名臣忠誠第一人元弘丁百六宇宙失量鈞乃振青霄志能回白日淪虎羸狼且進魑退魅仍臻憂國呼旻昊捐軀委路塵惜哉前績落慘矣後難頻霜操貫天地赤衷表曜辰一門標盛烈三世襲正醇河內墟雖舊湊川跡尚新聞風懦夫勇論義戾夫仁擊牲苔而古野龜屹不湮薄言醮香瓣聊比澗之蘋  
千劍破懷古 藤本敬  
葛城要害鬱崔嵬楠子遺蹤銷草萊三世忠功懸日月一時神策變風雷誰知東海殪鯨後更致中原放虎來終使乾坤反覆了恨無明主御雄才



小楠公墓

荒原戰場古墮淚望碑情氣奪三軍帥身當萬里城  
可憐之子歿不辱乃翁名塚上孤楠樹千秋向舊京

題楠中將讀未然本紀圖 釋慈周

本是傳巖畚鍤手登壇秉鉞如固有百戰仰酬國士  
知盡復舊物獻明后奈何恢網漏渠魁南山播遷機  
已胚攢眉識書不忍讀可惜長城忽墮摧貽厥猶策  
三世勲王綱綴旒未遽頽人謀從來命係天蕭曹逞  
志諸葛運天與其才吝其命冤目不瞑入黃泉出處  
毫髮無遺恨萬古堪摩武侯肩君不見碧血沾草湊

川出至今天陰鬼夜哭

至塔尾楠正行將北征決死以鏃勒歌塔扉而

行遂戰死其扉尚存焉 釋顯常

群兇紛々四海迷勤王誰得與君齊忠魂一片今何

在絕命空留扉上題

登千早城址懷楠公 北山彰

王室當年蒙戰塵于城全是屬斯人忠魂獨自存天  
地妙策殊能拉鬼神縟々雲梯遊鹿豕淒涼燐火出  
荆榛楠公苟有詢名意當覓封侯保厥身

湊川懷古



遺碣拜來名將墳勤王力盡跡空聞低回無限傷心事墮淚居民說舊勳

楠公墓

山邨良由

共仰忠臣楠子墳千秋誰不嘆殊勲茫茫今古何人比獨數南陽諸葛君

過湊川懷楠廷尉

川治義豹

楠公陳跡湊川湄駐馬徘徊懷在時靈夢呈祥開善兆軍謀應變出新奇雲間宮闕南山狩畫裏星文北斗旗縱是澄清違夙志勤王三世續如絲

春日經湊川題楠公墓

熊尚之

遠說臥龍絕古今元弘危急存亡任暗振奇策倚金嶺巧用英謀屯笠岑諸葛一身疆武節連楠三葉富忠心堪憐古墳松間下百轉鶯歌自好音

楠河州墓

吉田質

勤王汗馬出轅門酬得一朝雨露恩莫道南天將星落餘光千載照乾坤

謁楠公墓

楠春暉

忠烈勤王節英風百世師死生仁得失進退國安危非乏回天力其如曆數移行人皆感慨墮淚拜殘碑

咏史

蒲生秀實



治亂盛衰自不窮所希千古在英雄紫宸庭樹南枝  
夢占得中興一建功

楠公墓下作

并引

管晉帥

高氏之立 光明帝楠公諸將成之也高氏  
敗衄西奔士卒日離自謂負叛逆之名人終  
不服從別立新主挾令更始則衆心可服私  
事可濟乃遣人勸進蓋迫於不得已而非其  
本志也楠公既殉難諸將相繼戰沒官軍日  
就衰而賊勢亦不太振高氏父子內亂相尋  
志願不終義滿佯和義教渝盟坐而收功翻

扇動餘燼續以應仁之亂二百餘年率無寧  
日終至廢亾而高氏本志亦既泯乎靡有問  
者則後之人既以爲賴朝泰時之流而已然  
觀其造先祖義家言云使子孫必取天下其  
所包藏固非一日兆於六波羅觀望之時見  
於譖大塔王而後暴于行路則在當時業已  
不可掩及兵威方熾時勢可乘斷然無復顧  
慮况既弑親王又幽 天子孤恩負寵有如  
遺芥設使其及其身掌握海內雖其所立固  
弗可保猶且陽爲貌敬以示敵與以掩反逆



之志者懲于其敗焉耳期官軍寢殲焉耳是  
豈可比賴朝泰時纔奉院宣以約束諸雄長  
乎要之當初破其姦膽沮其逆圖使其不得  
逞凶虐者誰也非楠公諸將之力歟余故曰  
高氏之立 光明帝楠公諸將成之也由是  
觀之 皇統之綿 諸將實有致此焉則諸  
將不獨南朝之節臣亦 皇統之忠臣也是  
日楠公墓下感於所見慨然作此  
致身所事是臣道別有大忠論者少國傾身殲吾事  
終誰信 皇統暗有紹賀六奉君憚敵兵阿瞞稱臣

掩惡名勤王賴有諸將在就中南木久芬榮能使楚  
國無問鼎何論和議非真情南風不競本支殘北風  
其涼雨雪繁瓜分四海二百歲茫々大意欲開難龜  
跌儼然臨大路翠秧田擁青松樹如今朝野敦操持  
傳家忠義誰不慕征徒相指論廢興猶覺辭氣悽含  
怒幽帝弑王如折枝我家門生何有哉當時若無公  
輩出乾坤豈亦有今日

河內道上望金剛山有懷楠中將  
縹緲仙雲遶翠微金剛峰色藹斜暉中興偏藉睢陽  
守大舉徒勞玉壁圍海樹鬱葱分甸服郊田衍汰入



皇畿山河長載英雄恨悵望荒營想指揮

楠公櫻井圖

留者難居去難前誰能仰看別時顏濟美人存於我  
足滿朝舌擊自古然諸公如用避鋒策 驚輿未必  
再南遷數言遺訓懸日月一時勝敗管雲烟志士猶  
恨生已晚不得同時共間關

湊川

千年卽墨委兵墟下馬碑前尚凜如許國心肝三尺  
劍傳家忠義一偏書

楠中將持盃圖

決志無怨還誠子陳謀不聽轉憂君黃雲滿地山河  
暗盃酒從容遲敗軍

河內道中

南北紛爭幾歲分古墟廢壘認曾聞楠家三世精忠  
氣散作群山五彩雲

宿生田

千歲恩讎兩不存風雲長爲弔忠魂客窗一夜聽松  
籟月黑楠公墓畔村

楠公

龜田長興

南木爲發明玉夢將勤王師後 神統金剛山上營

南木爲發明玉夢將勤王師後

神統金剛山上營



孤城防術百方寡摧衆東軍百萬雖桀驚喪氣仰守  
不敢闕神算奇計千載無常山睢陽比有餘人言  
本邦諸葛亮終迎 金鑿歸帝如但恨寇焰再騰日  
天土軍議紛不一披膈無由納至忠纔師五百辭  
帝闕菊水旌旗殺氣纏決外浩然向西出庭訓三世  
遺忠誠英爽不磨今如生嗚呼楠子雖逝矣湊川長  
傳忠臣名

楠正成訣別正行圖

太田元貞

父子訣離櫻井東一編遺誨見精忠南朝五十年  
皇祚都賴君家再造功

王 謁贈三位中將楠公墓緬想當時祇回不能去  
斐然作辭敬識仰止之私 津阪孝綽

大厦傾覆一木支歲寒始見後凋姿忠心義氣貫天  
地夢賚恨是相得遲赤阪孤城爲誰守兇賊滔天大  
運移一炊鴻毛將何益疑尸晦跡且待時雄志潛藏  
九地下惟有皇天后土知一旅崛起神兵勢更傳符  
讖轉相疑始如處女忽脫兔奇計多方敵自疲雲梯  
仰攻金剛險墨守彌久愈能持餘勇折衝千里外風  
雲幾處舉義旗義旗如林不期會妖氛一掃青雪披  
狐狸犇竄何足問當路豺狼盡誅夷六龍奉迎舊紫



禁皇威復見漢官儀群雄休誇犄角力開濟元勳  
 非公誰新政不那日更濫天下纔治便忘危波瀾翻  
 覆人間世中原忽復似奕棋維公鯁節獨嘗諤汗馬  
 百戰策靡遺寇望旄頭自披靡姦雄膽落遁何之長  
 驅直欲除後患社稷恢復計日期城狐社鼠千古恨  
 天之所壞抑若爲卷七垂來賊軍勢陞辭苦衷血淚  
 乖忼慨貽厥忠貞節嚴訓一言不及私鞠躬盡瘁次  
 後罷風日黯慘湊川涯智勇兼備三軍帥寬猛相濟  
 萬世師指塵若定失諸葛自古英賢多數奇三世勤  
 王子孫盡一旅殉國鬼神悲懦夫聞風堪興起九京

可作執鞭隨嗚呼忠臣楠子墓墓石不須多鑿辭日  
 月爭光天地際萬古人間口是碑

謁楠公祠

在金剛山下  
號南木明神

將略兼儒術英雄萃一門盛名懸日月大節貫乾坤  
 三世盡忠義千年敬子孫明神儼如在景仰德輝尊

拜楠公墓

雄略震天地忠心貫日月浮雲千古恨秋風墮淚碣

楠公

大窪行

英略如山不得施湊川一戰復奚疑勤王義士知多  
 少惟有忠臣楠子碑



過櫻井驛有感作歌

逸名氏

曾聞櫻井今始至、松竹依然古時色、憶昔賊勢再燃、  
逼畿甸、果然西鳥振大翼、勺水何禦車薪火、況有佞  
臣為鬼蜮、斬馬快劍恨不用、一旦忽廢十年力、風飄  
旗影驛門暮、手撫總角苦戒諭、傳汝七首是帝賜、  
力屠國賊報知遇、抑淚不下強遣歸、不知能任爺託  
附、江水南流揚抑青、單馬蕭蕭向歸路、南枝一枯  
帝座危、偏安纔賴佳兒護、野人本住金剛陞、家與公  
鄉咫尺離、此事熟聞所切齒、懷舊低回涕淋漓、君不  
見九重內、君王宴樂耽肉絲、死別如此知不知、

湊河行 并序

余嘗讀史策、至於楠公之死、節未嘗不廢書  
而歎也、嗟呼、以公之才、略濟以忠義、而計終  
不行、繼之以死、豈非天耶、蓋自公之薨也、迄  
今五百年矣、天下之愚夫愚婦、皆能知公之  
名稱、公之忠非忠義之感、人心安能若此哉、  
余於是乎有感焉、作湊河行、  
君不見元弘、天子播遷日、四海分崩如鼎沸、六軍  
纔保笠、置城夢賚忠臣真、良弼燕見一陳、恢復計、  
滅逆賊、期康濟、豈圖賊師陷行宮、翠華北狩孤鳴中、



孤臣獨保金剛山金城鐵壁杳難攀百萬賊軍勢咆  
勃盡銳竭精攻不拔天助王室生忠勇一掃逆賊  
傾巢穴忽迎鑿輿返京師鐘簷依然復舊物楠公  
殊勲誰能匹中興論功功第一哲婦傾城振古然  
燄一朝復滔天戰艦蔽海逼皇畿一受帝命圖距  
之借箸慙勤陳奇策無奈忠謀與帝違薄暮馳至  
櫻井驛解劍與子見肝膈肝膈披瀝何所言遺命諱  
清洋氛孤軍直赴湊河灣鐵馬奮戰甲朱般一死  
原分濺腔血忼慨授命沙磧間嗟呼楠公生爲忠義  
臣死爲忠義鬼星霜荏苒五百歲至今凜有生氣

英雄事業已消亾猶傳湊河古戰場千里路阻不可  
訪欲弔忠魂淚縱橫

謁楠河州墳有作

賴襄

東海大魚奮鬣尾蹴起黑波汗黼宸隱鳴風雲重慘  
毒六十餘州總鬼虺誰將隻手排妖氛身當百萬哮  
闕群揮戈擬回虞淵日執甬同副卽墨雲關西自有  
男子在東向寧爲降將軍旋乾轉坤答值遇洒掃輦  
道迎鑿輅論功睢陽最有力謾稱李郭安天步出將  
入相位未班前狼後虎事復艱獻策帝閣不得達  
決志軍務豈生還且餘兒輩繼微志全家血肉殲王



事非有南柯存舊根偏安北闕向何地攝山逶迤海  
水碧吾來下馬兵庫驛想見訣兒呼弟來戰此刀折  
矢盡臣事畢北向再拜天日陰七生人間滅此賊碧  
血痕化五百歲茫茫春蕪長大麥君不見君臣相圖  
骨肉相吞九葉十三世何所存何如忠臣孝子萃一  
門萬世之下一片石留無數英雄之淚痕

南遊往反數望金剛山想楠河州公之事慨然  
有作

山勢自東來如鳥開雙翼遙夾大江流相望列黛色  
南者金剛山插天最岐嶷拖尾抵海垠蜿蜒畫南城

隱與城郭似擁護天王國想見參章公孤壘扞群賊  
合圍百萬兵陣雲繞麓黑臣豈不自惜受託山面勅  
灑泣誓吾旅爲君鏖鬼域果然七尺軀自有回天力  
宥叡連武庫隔江對正北公歿實在彼在公盡臣職  
所惜壞長城寧支大厦反吾行歷泉紀在反緣大麓  
顧瞻山海間慷慨三大息丈夫有大節天地賴扶植  
悠々六百歲姦雄迭起踏一時塗人眼難洗史書墨  
仰見山色蒼萬古淨如拭

過櫻井驛趾

山碕西去櫻井驛傳是楠公訣子處林際東指金剛



山堤樹依稀河內路想見警報交奔馳促驅羸羊餒  
獐虎問耕拒奴織拒婢國論顛倒君不悟驛門立馬  
臨路岐遺訓丁寧垂髻兒從騎肅聽皆含淚兒伏不  
去叱起之西望武庫賊氛惡回頭幾度覩去旗旣熾  
全躬支傾覆爲君更貽一塊肉剪屠空復膏賊鋒頗  
似祁山與綿竹脈々熱血灑國難大澗東西野草綠  
雄志難繼空逝水大鬼小鬼相望哭

觀楠廷尉把杯圖蓋紀人所傳感而作歌

蒼袍烏帽持酒區區中泥金描菊水和肅裏含神勇  
姿不問知吾楠廷尉獨怪畫手何所傳燕安寧有肉

生髀或在千窟受圍初談咲坐當萬虎羆吾甲在心  
緩吾帶聊澆心裡龍虎書或在雙闕拜爵夕退擎恩  
波金光凸芳醇淪徹肺肝膽添得陸離滿胸赤否則  
櫻井訣飲杯壓營戰鼓如萬雷一杯擘斷生死路玉  
山未頽長城摧君不見三世骨肉傳醇液賈勇猶與  
北風敵

書楠公碑本後

嗚呼忠臣楠子墓五百年後見七字想見當時拔劍  
目裂皆黑風吹血霾大地厲鬼果能鑿此賊天定論  
定誰異議 朝廷闕旌典藩服表外義況鐫蕃客文



未知忠魂慰唯有題中署贈銜近衛中將正三位猶  
係延元 天子賜

書朱舜水楠公碑陰贊後

碑面題學延陵墓碑陰字類多寶塔忠孝日月詞感  
奮頌贊非由臭味合亾國之臣附驥尾有脚東海不  
枉蹋包胥淚盡和墨汁扶桑萬紙空傳擗回頭緬甸  
落日紫應羨芳山延五紀猶餘能書張瑞圖曾碑生  
祠媚闍奴

南木夢

夢南木夢覺君王心自卜四外羽書雜飛鏃擁衛萬

乘一木足南木興帝座寧南木覆帝座蹙帝  
座已安遺所庇獲鹿喪鹿真夢寐老根蟠地護病龍  
猶有由孽戰北風

楠公別子圖

海甸陰風草木腥史編特筆姓名馨一腔熱血存餘  
瀝分與兒曹灑賊庭

楠母

強收晝哭淚縱橫努力鵬雛九萬程姑奪家傳殉國  
劍爲君護此小長城

楠公墓下作

北條讓



武弁曾跋扈兇豎沉迷昏慷慨良臣策遭逢 聖主  
恩築巖成夢兆籌筆想書痕行在衙明詔圍城絕隻  
援深寸如鬼沒出關又雷奔慙惡雖鯨戮姦雄尚虎  
吞指揮由籠閫防禦失懿藩吉士憂艱步宵人競側  
言六龍南駕遠萬馬北來屯志誓除蠱賊身職待子  
孫嚴霜知勁草利器遇盤根舊部非烏合令兒更鳳  
騫丹心懸日月殷血灑川原節概傳三世忠勲集一  
門朱旗河上陣禪刹樹間邨近有貞碑表終無詔史  
冤吳天歸閨位 大統保常尊千載足瞑目九京應  
慰魂荒郊膽廟宇清渚采蘋蘩誰擬朱仙鎮遺憤豈

同論

過櫻井驛

櫻井懷往事廷尉殉國危授子一卷書忠孝宜民彝  
因人敬其土實同甘棠思

楠廷尉

古賀煜

南枝夢慰 聖皇憂尤難孤城益賊喉終使鯨鯢蒙  
大戮應知神鬼感奇謀一身威敵齊明月三世傳忠  
蜀武侯白面當年空誤國無窮遺恨湊川流

楠河州

柴野升

中興事業仰斯人殉國誰教隕厥身今古紛々堪嗟

南林志卷之二

廿六 電法



惜賢臣不及用愚臣

楠公

小野達

洗滌乾坤舊物新偉勲千載自無倫當年非入天  
皇夢一個金剛山下民

楠正行

弱柱難支大厦傾斷然決死眼何明闔門忠義殲王  
事一個降旗辱父兄

楠正儀

誰道降旗辱父兄何知前志事難明遺蹤曖昧誰能  
別偏惜千秋留叛名

楠正元

天日西沈滿目愁看佗舊物屬悠悠我憐漆炭無成  
事獨奮空拳担國讎

楠公

長野確

風雲起臥龍揮戈塵落日張巡嬰孤城墨守綽不屈  
葉人駭貌驅鉤屏熾蟻虱朱旗導鸞輿玉璽回  
鳳闕于戈動蕭牆社稷再艱晚誓志思嫖姚匪躬懷  
諸葛豈無兵策良掣肘屢削奪一死報君恩殘骨沾  
遺枿

楠公墓

楠公志

廿七



再拜孤墳下英雄靈有無功名笑管樂籌略奪孫吳  
舉世多豺虎唯君大丈夫蕙蘭生此地野老勿樵蘇

楠公

小寺顯之

楠公雄略凜如神四尺孤墳湊水濱天地蕭條常欲  
雨山川慘澹不成春全軍伏劍猶生氣遺恨傳書賴  
有人筆弔忠魂吾豈敢仰瞻千載指彝倫

湊川

松山侯松平定通

千年遺跡幾人知虎戰龍爭想昔時路畔墳塋盡豪  
傑迂程故弔湊川碑

過楠河州墓

佐嘉侯鍋嶋齊正

嗟呼元建際事、豈堪聞千載真儔侶眼中獨見君

楠公墓

久留米侯有馬賴水

三過忠臣楠子墓對公默誓我精神一言欲述延元  
事憤意塞胸淚滿襟

題楠廷尉像

飯肥侯伊東祐相

南枝夢兆股肱良誓奮魯戈迴夕陽恨殺妖氛侵緯  
象將星一夜隕無光

楠公

孤軍抵當日滋師東菓鉤啤畫策奇地利人和又相  
得可知西鳥奮翎時



小楠公

率師謁廟訴斯心坐發悲歌起扣鐔白日分明懸義  
勇不孤嚴父手傳箴

正儀

經年楠木漸難支可憐北風隨意吹夜入花營竟何  
事苦衷一片莫人知

題楠廷尉像

圓龜侯京極高美

滿腔忠節策奇勲古往今來誰似君一恨湊川流不  
盡嗚呼草沒舊碑文

楠廷尉像

蓮池侯鍋鳴直與

懸軍居死地三世答恩身嘗符南枝夢難清北闕塵  
才應伊呂亞名與亮良隣遺帖讀無淚恐非忠孝人

題楠廷尉像

佐野侯堀川正修

廟謨今古恐無倫天向南山降此人請見當年恢復  
志忠誠不數草廬臣

湊川懷古

安積信

南枝入夢得真才闕外何為混驥駘闔族精忠皆殉  
國十年籌略總成灰丹心長照青天日碧血空留古  
墓苔遺恨千秋消不盡滿川風雨鬪奔雷

題楠公訓子圖



南風不競龍戰野白骨縱橫宮闕下忠臣長提魯陽  
戈血淚幾向丹墀灑良謀弗用有狂夫遺訓能遵惟  
鳳雛三尺寶刀 帝所賜須染賊首血模糊他年勇  
略果如此忠孝一門鍾雙美茲之宇宙誰爭光唯有  
南陽諸葛氏

河內甘南備村宿松尾氏 篠崎弼

出郭入河內野徑倦吟步忽遭籃輿邀閑得粟里趣  
金剛似匡廬晚晴淨無霧霞消月亦好直到君所住  
把酒語勝區舊跡相共數明朝觀心寺當拜楠公墓  
觀心寺

金剛山麓千窟陰古寺臨澗名觀心佛殿荒涼丹青  
剝老杉參天午蕭森下有一塔知誰墳中將楠公葬  
其元言是湊川戰沒以函送公家從敵軍或疑足利  
氏怨耦何由爾毋乃用詐術欲使衆心靡安知公之  
忠精感天地彼雖兇逆生惻意吾來弔拜問寺僧得  
觀公筆與遺器器是刀劍及戎衣筆陪 綸旨有餘  
威何事君王中興後我謀不用事多違河山攝山纔  
隔海兩墳相望如神在宮道自多墮淚人此地寂寞  
鬼恐餒獨有 正平天子陵君臣千載永相憑

未來記

新編 卷之二

四十一



天王寺未來記豈天意抑人事廷尉勤王軍略深聊  
借識文鼓衆心東魚一旦就殄戮西日再中得照臨  
艷妻佞臣爲鬼爲賊宴安荒政將帥失職復使獼猴  
擾國家南木之夢真南柯

楠公

元弘宇內亂如麻獨見忠良萃一家筆下疾風無勁  
草山中晚節有黃花東魚西鳥天心應前虎後狼人  
事差當日攝河張陣地空令志士憶褒斜

題楠公別兒圖

西海戰塵迫楠公軍務勞雲愁櫻井驛霜凜菊花刀

遺訓傳獅子佳兒真鳳毛一家忠孝盡萬世姓名高

題楠公像

兵機妙用恰如神自是中興第一人可憾君望無皂  
白使臣累世作忠臣

兵庫懷古

戰跡傷心指點中湊川近接福原東誰知叱咤平公  
勢不及嗚呼楠子忠

楠公墓下作

碑字與人忠義心近來松柏稍森々從是多年往還  
裏會看祠宇聳高林



楠公舊跡昨來搜困倦乘船下急流地勢猶思當日  
事攝河盡處是泉州

楠公

會澤安

鑿駕播遷時岌岌勤王並起羽書急孤軍據吟命湯  
堅逆豎頓兵螻蟻集大義與人亂賊懼精忠貫日鬼  
神泣誰言身歿偉功空天柱地維爲樹立

湊川

齋藤正謙

此行自河內仰望金剛巔鬱々天半碧相送到湊川  
望山滿心快臨川雙鼻酸一俯且一仰哀喜何判然

仰憶元弘歲此山啓忠賢環攻百萬賊孤城鐵石堅  
南柯協 聖夢西日回中天偉哉中興業父老見衣  
冠俯思延元日此川覆宮軍忠臣唯有歿良謨乃見  
捐七生志滅賊一腔血灑原遺恨流不盡往事付逝  
川墮淚碑猶在過客悉潛々悲懷無所寫翹首重望  
山

讀湊川碑

老枝向南宰上樹靈鬚歸然貞珉古萬口爭傳碑面  
字嗚呼忠臣楠子墓楠子忠孝真絕倫高懸姓名著  
乾坤一歿報主意未足更留丹心貽子孫有明徵士



朱舜水眼見崇禎事蹟似潼關守失傳庭亾松山軍  
覆象昇歿北京宰執盡奸回南渡君臣仍樂災何堪  
虎狼相踵至翻然一舉蹈海來慕賢何問海外內日  
城自有楠子在百年後贊英風字字血淚寄感慨  
西山黃門所得之勒之碑背示千祺為有忠孝卓千  
古此文亦入人肺脾君不見上下二千年東西三萬  
里山有富岳表東溟人中更有楠子美西方美人誰  
得比

經金剛山下憶楠公偉烈慨然而賦

鬱然積翠插層穹維岳降神命世雄身障狂瀾靖王

甸手麾頽日復中空東魚送歿西鳥南木無枝撼  
北風一片孤城堅似鐵留遺孫子護行宮

謁楠中將墓

南柯入夢 聖君知一木能支大厦危城守優過孝  
寬略廟謨誤敗子儀師赤心報國取熊掌青史闔門  
留豹皮攝尾播頭名勝地行人只說湊川碑

重謁楠中將墓十韻

南柯兆聖夢乃獲巨川材西日暫沈沒東隅忽挽回  
君王志俄滿彼婦口方開阿犖畜叛志扶蘇蒙忌猜  
鳥纔啄魚斃虎更進狼來碧血灑無處丹心死不灰



七生身欲百敵儼掃凶埃三世心如一貽謀擯賊魁  
綱常長有植忠孝衆相推墮淚碑猶在行人爲祇徊

謁楠公墓

阪井華

扶桑六十州古來幾男子楠公墓在湊水頭于今行  
人盡流涕天王失御狩朔陲四海誰唱勤王師惟  
公單身挺戈起南枝入夢事亦奇孤軍擊賊如拉枯  
奉迎乘輿還舊都乾坤一掃果誰力嗟我東方如  
公無奈何天意未厭亂外患纔已又凶叛自古誰無  
死所貴聲名芳一身已隨主榮辱一家亦與國存亡  
已求之西土誰將匹獨許諸葛參翱翔江河有時竭

日月有時闕唯此一片石萬古無埋沒乃知成敗是  
常數富貴一朝安足慕君不見室主相承十三葉今  
日無人識一墓

小楠公

一灰中原矢靡他間情寧復在宮娥天恩同浴源光  
祿拜賜孰苦辭賜歌

湊河懷古

草蕩韡

三世勤王奈命何空憐一夢付南柯貽謀當日唯忠  
膽皜千秋暴湊河

謁嗚呼碑



所為延陵季札以贊孔子者誰海外千歲遺響於乎  
焉哉此碑

湊川懷古

六龍稅駕果何州砥柱誰人撐急流其奈東魚吞碧  
海幸看南木護金甌一時妙算翻翰略三世精忠貫  
斗牛熱血灑沙凝不散染成紅蓼滿川秋

楠公 大槻清崇

王事寧將成敗論能知順逆是忠臣斯公一死兒孫  
在護得南朝五十春

楠公正行絕命詞拓本歌

南木一顛 皇運衰南狩之駕挽不回賴有由孽護  
神器南山撐天半壁開義旗漸散國步艱世忠獨據  
金剛山何物妖賊敢來寇不斬汝頭不生還揮涕闕  
下來拜辭 天顏咫尺揭御帷慷慨更誓 先帝廟  
箭鏃刻門絕命詞北望賊軍紛如雨旌旗慘澹鼓聲  
怒勝敗有命死吾分丈夫可受鼠輩侮三千精騎疾  
電馳鏖戰一場揚我武恨不長驅戮鯨鯢斬之萬段  
餒狗鼠箭竭馬斃臣事終一死報君乃報父君不見  
諸葛一表累百言長使英雄義氣振何如公詞卅一  
字字之感孝子而泣忠臣



楠公讀識文圖

夢卜求良弼識文激義臣誰信中興業君臣智慮神

其二

諸葛偏安計纔能支漢室何如南木公赤手回天日

其三

艷妻弄簧舌妖賊逞姦謀千古忠臣恨湊川咽不流

書楠河州公碑拓本後 梁川緯

嗚呼忠臣楠子夙建武時事可知而已矣一豺纔斃  
進一虎于戈搶攘終不止嗟哉豈無樞臣主銓衡豈  
無督臣司甲兵 帝亦多雄略況得公忠誠君臣遭

際有如此何賊不平何功業不成只此一妖逞姦譎

兩佞倖以簧為舌遂令有掣肘患公之心於此乎決

西望攝山氛祲黑警報星飛紛落繹中將屯兵兵庫

浦我軍方及櫻井驛召兒乖訓何諄諄曰遺汝報國

兒伏不起請從死叱曰汝何不寤得非敢私也天恩

重兒也唯唯吞聲泣鞞鼓喧闐震百雷賊勢卷地驚

波來圍之數重戰兩日胄裂刀折積屍堆殘卒斫陣

氣愈銳公顧笑曰吁快哉心心投合如符信七十餘

人列首殉湊川悠々逝不田滿地流血化青燐元祿

五年歲壬申源黃門公建貞珉有明徵士書其背表



章丹忱無點塵嗚呼忠臣楠子歿後五百年纔有此  
忠臣之忠義公義隔代燦然成雙美我嘗憑弔薄設  
奠白楊悲風淚如霰惜哉不沿岳墳置奸檜之例鑄  
一妖兩佞倖而唾其面

湊川謁楠廷尉墓

落合賡

百戰山河勢未伸孤軍遮賊護君親豺狼鼓古行空  
境社稷無靈喪此人怨滿野川流不盡魂留杜宇哭  
猶頻半隅求活朝廷小可悼英雄爲隕身

謁楠河州墓

湊川來往客誰不悼楠公天地名空盛君臣契未終

怒濤驅陣馬愁雨挾陰風正氣提民極浩然塞日東

湊川拜楠廷尉墓三十韻

海宇煙塵動皇京社稷危龍蛇深藪蟄豺虎九衢馳  
樹下安躬夢鶴頭將聘辭傳巖川作楫渭水獵非罟  
韓信謀堪據武侯談豈欺項劉明順逆魏蜀辨雄雌  
玉壁先堅守秦關未出師築城城僅就待救救偏遲  
蟻附兵爭迫蜂屯敵益滋有人同豹變無術不神奇  
爛額湯頻灌壓身垣忽障陽揚峰頂火陰積穴間屍  
西鳥翔振翮東魚斃曝腮凱歌旋鶴駕懽舞拜鸞旗  
再造回天力中興絕世姿詎圖周室輔重見漢官儀



土國纔能定帝心終自疲稍親宰轄慝卻拂伍員規  
來隙佞諛進生嫌骨肉離虛言徒滿耳急難復燒眉  
陡賊刀槍亂方愁鷓蚌持史安姦易售李郭計難施  
欲伐鯨鯢首遺訓齟齬兒孤軍觸鋒鏑一劍扶肝脾  
赴義如將後成仁特在茲大星常燁々喬嶽鎮嶷々  
枯木寒鴉集逝湍斜照移徘徊空薦藻瞻仰謾題詩  
烈士文洵副忠臣字恰宜賢愚皆墮淚何啻峴山碑

鴻爪集

題楠公像

菊池桐孫

精忠一一武侯如猶是威神畏鳥魚心事應同籌筆

驛風雲長護手中書

楠判官

帆足萬里

不管妖星犯紫微楠公忠勇古今稀如何建武聖  
天子一入寶山空手歸

楠公父子

廣瀨建

鞠躬誰道不成功南北雖分帝統同當日若微公  
父子恐令神器屬姦雄

詠史

廣瀨謙

宴安失機會耽色豈英雄堂々源中將應媿小楠公

楠公

貫名苞



奮然許帝以驅馳忠武忠謀亦曷殊一卷留得三世策大羸雲鳥遺問圖

謁楠公正行墓

菊池保定

君父已徂公亦次南朝寶祚竟無成浮雲易蔽青天日陰壑又容橫海鯨社稷情疎千古策賊軍膽落一家兵仰欽闔族戴王事揭得東方經緯明

其二

河上風雲自古今小楠墓畔氣蕭森中原兵馬豺狼滿南嶽朝廷雨霧深舉族皆成忠孝鬼推誠獨得士民心恨君許國嗟多病竟見南山日月沈

河內道上

南朝古木鎖寒霏六百春秋一夢非幾度問天天不答金剛山下暮雲歸

楠公父子永訣圖

賴協

攝河泉守臣正成有子獅兒名正行父子忠魂護天子日月雙懸千劍城

楠廷尉

後藤機

忠肝豈啻傳岩夢一木期支大厦傾縱教身與湊川澗心共金剛山勢堅

題楠公訣子圖

西鳴長孫



建久末年王室昇王宮威權日下移天子不得有親豫高時心路人所知一從黃屋幸笠置四方未聞勤王師禁垣衛士多白面天下兵馬司者誰北條積威猛於虎左右指使目與頤終以天子爲謀叛東軍重圍無立錐行在所兮忽卵壓卿相奔竄勢孤危海內獨有豫章公金剛之山卓義旗始計已收東軍敗不啻陳平出六奇雲梯衝車勞環攻風聲鶴唳詒笑嗤義貞尊氏雖英雄祖鞭究竟在斯公當時微公誰倚賴南朝第一推元功社鼠稷狐掣其肱遂使有始不有終不屑訴屈獄吏爲岳武穆不欲寄跡

湖山爲韓世忠是時尊氏立北帝神州恐在席卷中攝陽之南斯一戰唯知有君不知躬生爲忠臣死忠鬼生死扞禦芳野宮不爲私昵垂啼淚遺愛只有五尺童一朝永訣何所道汝能立志繼汝考汝與尊氏不同天汝以群兇爲一掃旣盡股肱繼以死遺教件件義溢紙古云視子不如父嗚呼豫章公有子忠肝義膽大於斗千載芳名照青史戰勝攻敗賊氣沮乃父之意或欲攄一旦四條繩手將星隕不似趙括徒讀父之書

題補公像



古者忠烈一死即休子孫之敵王愾兼有不共天讎  
刀折箭盡何敢就縛若蒿悽愴神歎欲格

千劍城用芻兵圖

橋本通

鼓聲振地曉茫茫劫賊芻軍凜鐵裝四海當時皆首  
鼠不如枯草助勤王

楠判官

澤徽

不將興廢問蒼龜只合勤王濟一時唱識佛圖徵曆  
數嬰城劍破却東師賞因卑薄纒籌戰兵爲孤單偏  
用奇請看湊川徇節後廟堂謬算悔難追

湊川覽古

川北重喜

袞色蒙塵皇業微南山僅保廟堂機賚良夢自楠柯  
結敵愾情兼菊萼非漢帝不容齊國假秦廷徒見趙  
家威湊川一夜悽風裏星落中原恢復非

楠廷尉訣于圖

藤森大雅

男兒許國身偏重幹地旋天心所銘莫怪湊川輕一  
死此心附託有寧馨

題楠公像

藤田彪

大厦誰知一木支中興成否繫南枝勤王義結金剛  
壘逆賊膽寒菊水旗還闕復當豺虎徑殺身勿奈廟  
堂機空餘一片精忠氣凜烈長爲百世師



南史 卷之七

咏古

我慕楠夫子雄略無古今誓建回天業感激忘其軀  
廟堂遂無算乾坤忠義孤空留一片氣凜々不可誣

楠公

國友尚克

機略兵謀如循環先論形勢解 龍顏元爲 皇家  
期盡瘁誰教夫子不生還遺命世傳忠義氣勤王屢  
起攝河間一夜大星隕南國千年知已在西山

楠公

劉翥

春霄忽夢傳巖賢舟楫鹽梅任未專若使榘楠支大  
厦豈教日月代高天一家雖共南朝盡正氣長同北

闕懸 皇統萬年無爾賊此功何讓聖經傳

咏史

與野純

鵲山如拭碧崔巍神降良臣應禱祈自奉金甌補殘  
缺誰攻玉壁費重圍一門肝腦殲王事三世忠貞護  
帝畿魏武得時諸葛歿欲言天道是邪非

楠正儀

海內何時兵氣沈兩朝伺釁互相侵老臣附賊有深  
慮誰測濫嶠當日心

題楠公正成櫻井驛訣子圖

長戸讓

南林志 卷之七

五十一



君王浩重此身輕，決死從容遙出兵。中路有懷櫻井  
驛，措謀亦出自精誠。爲國留得一塊肉，猶望異時天  
日明。提耳數言皆血淚，本邦一部活忠經。

湊川懷楠公

金濟民

夢中良弼巨川舟，天下滔滔洗、流肉食無謀。壞梁  
木，鯉庭有訓託箕裘。草埋香骨春禽弔，石表忠魂夜  
雨愁。敵愾猶餘七生恨，枉將芳嶺作皇州。

楠公父子訣別圖

門田鄰

遺汝爲國非爲私，汝能繼志是吾兒。軍行少駐櫻井  
驛，風雲慘澹分手時。他日芳山辭紫宸，誓不與賊共

戴天爲家報仇國，斃賊死別生離。父與君慨然赴敵，  
真濟美寧問劍璽。終北徙有此父，有此子嗚呼有此  
子可以死。

小楠公

遺訓銘心安，黼辰幾時四海車。同軌六軍朝發行，在  
所菊水鮮明旗。北指驍勇一百四十三，如意輪堂留  
名氏。賊奴不滅臣不歸，戰血灑原同日死。乃父避鋒  
策不聽，刀折矢盡亦死耳。吁君致命誰不欽，將以何  
地置。天子臨軒聖諭自丁寧，直前何必決如水。養  
力待時天可回，沒年君僅廿餘齒。



楠公

石川章

玉輅無端幸海陬，仗誰回復舊金甌。南陽遭遇睢陽守，報得君王九世讎。

小楠公

牧古愚

南風不競北風涼，想見張拳赴敵場。一死能全忠孝節，千年菊水仰流芳。

後醍醐帝夢南枝圖

齋藤馨

扶疎影裏別乾坤，當日可依唯此存。海驛秋風吹倒盡，君王無夢到枯根。

楠公墓

白日蕭蕭渡湊河，秋風吹動鬢參沙。平生不灑半行淚，偏向楠公墓畔多。

楠正行

曾將報國作游嬉，大厦終緣一木支。始信孟軻真有母，何妨伯道竟無兒。題名柱古蒼苔合，埋骨地荒芳草滋。却笑源家老三位，多情枉自乞蛾眉。

四條隄

志村弘強

憶昔正平挑戰年，南朝如綫璽猶傳。二楠遺策雖難遂，諸葛家風可絕賢。雄嶽雲留玄幕合，條堤月學驛弓懸。行人灑淚英雄迹，依舊寒流鎖暝煙。



詩林 卷之七  
訣子松短歌

藤井啓

櫻井驛攝州路當路千年古松樹支幹似指東與西  
傳是楠公訣子處如龍如虬鬱陰森勿剪勿伐直至  
今問汝老腹藏何物依然猶有捧日之赤心嗚嗟乎  
君不見南風不競北風起此松怒號何時止

楠廷尉

昔傳岐獵獲王師膠木枝低夢裏奇河內戎翰驅虎  
旅畿南行在擁龍旗獨懷諸葛澄清志欲假夷吾匡  
合時星隕湊川千古遠孤忠不朽一苔碑

葛城山懷古

桐仲熊

南北兩朝戰伐年英雄割據葛城天蛟龍縱得風雲  
會日月難回閭闔邊宮闕千重陵谷歎名聲三世古  
今傳霸功管樂斯儔匹無奈百王帝運移

楠中將訓子圖

園田彝

繼孝傳三世精忠萃一門南朝休道窄建立別乾坤

楠正行絕命歌

荒井公廉

楠公永訣先皇墓鬼錄上名淚幾行留得龜扉絕  
命語忠肝義膽斷人腸

楠廷尉

小林至靜

蛇化為龍劣亦優陰風卷地鼓鞞愁英雄血濺湊川



南水詩卷之七

水從是乾坤慘澹秋風谷賦

楠公父子訣別圖

大槻禎

軍門訣死意奈何訓誡丁寧見阿爺遺恨南風終不  
競猶留一子護皇家

楠正成

影田隆德

言則不聽謀不用湊川一敗是誰愆何傷強戰身空  
歿赫々芳名五百年

楠正行

誓遵遺訓不同天戰鬪力窮心益堅一騎倚巖崩萬  
卒從容拜別御簾前

楠正儀

神恩佛力都難恃虎旅龍驍斃眼前無奈天心不憐  
宋空令世傑淚潛然

櫻井驍訣子圖

片山達

中興天子懷宴安不知牀第啓學端西風揚塵天  
日晦漏網鯨鯢捲狂瀾旋乾轉坤一翻手不奈紈袴  
擊吾肘七白疲兵當勅敵此行不復東馬首櫻井之  
驛駐牙旗貽謀鄭重訣阿兒兒也十一岐血凝幹盡  
何疑身許國南枝已折幾周星播遷重見苦伶仃賴  
有山孽耐風雪乖陰猶覆小朝廷一門忠勇照千載

南水詩卷之七

五十六



足使七氣起頽廢我願摸得此圖千億幅遍向人家  
壁上掛

小楠公

將星夜落湊川隈北風跋扈吹氛埃義貞我助相次  
沒勤王之臣安在哉楠氏有子勇無比赤手欲雪列  
聖恥終軍弱冠且請纓李廣結髮能愛士謁帝自  
誓鏖賊兵今君受辱臣敢生一去心知終不返豈向  
君王乞愛卿白衣拜跪紫殿暮聖旨悽惻留不住  
生見龍顏更何日欲去不去淚如注百四十八齊  
殉節精忠凜貫天日群賊雲屯四條原腥氣迸地

般戰血吾兵驅賊如鼠狗畿甸已可唾手取無奈義  
舉無外援遺恨不見渠魁首男兒只以死報國成敗  
有命固可測縱令公待天時至何異阿弟空防戰阿弟  
指正雖然公不灰賊身危吁嗟公之灰真可悲

楠公別子圖

諸木敏

鸞輿蒙塵笠置山誰救南朝天步難一夜君王南木  
夢天下精忠賊膽寒赤阪金峰神助兵拂去元惡廻  
狂瀾滿朝夢生異議又使神器不得安慨然決志  
櫻井驛遺訓傳子片心丹將門威風終不負義節凜  
二三世間誰知別時雙行淚遍濺千載人臣顏



望金剛峰

楠公武略古今豪、百萬兇軍一戰鏖、忠力再回西沒日、芳名長與此山高、

懷楠河州

若林輔

古來良弼夢中尋、南木衝雲果凜森、笠置塵蒙誰辨事、湊川水咽不成音、天王未信避鋒計、兒輩重懷報國心、廷尉家風丞相似、當年何必濕衣襟、

讀湊川碑

川村尚迪

暴風捲地仆于旌、報國赤心甘棄生、戮力誰能支大厦、廢功終是壞長城、子孫三世有餘策、忠孝一家皆

至誠、片石儼然湊川上、英雄千古淚縱橫、

謁楠公墓

齋藤正格

豐碑高揭聳龜趺、下馬慙慙拜路隅、松柳繞墳新護地、河山隔海舊封圖、佞臣不斬上方劍、聖帝空違中將謨、試比南宮宣尼贊、楠公前後楠公無、

楠公

篠崎慨

決死見機明若神、何唯垂路比張巡、君王一夜春闈暖、不省行宮夢裏人、

楠中將

三谷堯民

卓矣楠公天下英、王家將覆一時撐、初如傳說芳




尊夢後似張巡嬰小城、鼓動臣民皆勇敢、薰陶子弟  
共忠誠、極知聲譽振殊域、歸化明儒表冢塋、

謁楠河州公墳引

庄原懿

天地無光紅日沒、虞淵赤手誰捧出、木南有地容帝  
座、夢中天賚良補弼、千劍破峰火似劍、懸崖作城壑  
作溼菊、水旗章映日翻、揭舉大義激勇悍、蜂蟬百萬  
望城驕、一楠大樹豈能搖、朝生暮死不自寤、賊巢一  
炬先已燒、彤弓白箭紅韎韐、迎謁龍顏賀成業、旋見  
九鼎重泰山、似挽天河洗兵甲、吁嗟哉帝亦雄略主、  
何如倦勤苦、長舌婦鬼蜮、臣公肘掣帝心蠱、國勢一

去不可回、前狼纔斃又後虎、下馬訪兒櫻井郵、遺誠  
再三苦不休、天賜寶刀今授汝、佩之勿敢忘大讎、蒼  
天欲墜黑氛結、雷鼓震地地軸裂、七合七離進益銳  
兵心一一如符節、胃裂鎧破十一創、誓爲厲鬼滅姦  
猾、君不聞燕雲鞭卷岳家軍、黃龍府中約酣醺、十二  
金牌班師詔、一朝埋恨西湖墳、又不聞土木之變于  
忠肅、手支大厦扶傾覆、一腔熱血誓許君、灑向東市  
屠全肉、自古英雄事多然、不幸豈獨建武軍、男兒闔  
棺事始定、奇禍何必咎蒼天、況公殉王事、四世續先  
志、賊魁一夕迹爲煙、照墓煌煌八大字、嗚呼忠魂毅





魏邦家光千百億萬年之後南枝瑞兆留無限芳

櫻井驛址歌

黑浪衝天天氣惡山岳搖老鯨躍陰風中人金僕  
姑五月悽愴寒氣作誰歟出拒楠廷尉奇策君王已  
排棄戎服臨岐卽此鄉遺訓告兒再三四汝能萬死  
作長城殉國勿忘乃父志武庫一稊烽火高軀命直  
是比鴻毛熱血一腔爲君灑留兒且作護身刀南望  
芳野愁雲結畢逋烏啼苦竹裂南枝不見北風寒西  
山欲落半竿日君不見威鳳生雛時未必卽分離鴟  
鴞弄舌鳳已死五色鳳雛又離披

楠公圖

買絲繡作平原君範金鑄作鴟夷子古人此意良匪  
淺我於楠公亦爾爾大海濤立萬馬白瀉入胸間成  
奇策金剛跨雲蒼龍橫蟠入懷底固於石一條精鐵  
可斬鯨傳家且作小干城一塊肉在刀未割貽君聊  
作賊家羹臣身斃兮臣心赤天荒地老尚明明

櫻井驛舊址

松橋純真

賊勢如雲不可支一腔心血付孤兒老松隣有悲涼  
色曾閱楠公訣別時

楠河州

恒遠和



再叫天日護行宮、首唱勤王獨此公、一死雍容全大節、休將成敗論英雄、

楠公血戰圖

要將血戰表忠誠、只恨倉皇逸臣鯨、尚有兒孫徇社稷、一篇遺訓是長城、

楠廷尉墓下作

廷尉墳塋湊水濤、經過誰復不沾襟、一篇遺訓感天地、三世精忠照古今、原上草肥空牧馬、路傍花自發、嗚禽回看櫻井村、何處雲霧蒼茫日欲沈、

楠廷尉

柳澤信兆

一夜吹殘棗蕩風、陞辭揮淚跡匆匆、蜻洲無地容鵬翼、搏去蠻烟蚤雨中、

其二

百戰功成殲虎狼、餘生豈料落遐荒、蠻烟滿地腥羶氣、不掩聲名萬古香、

過楠公墓下作

坂谷素

今古紛紜戰、悠悠付渺歐、唯留楠墓好、義烈照千秋、舟至兵庫有感建武之事、津川文

山勢接京鬱崛起、沙橋突出截海水、山陽左開五畿石、波濤聲腥萬戶市、形勝居然扼水陸、有懷忠臣我



楠子憶昔賊兵咆哮如聚螳、鼙鼓轟天雨萬矢、苦戰已決殉國心、一腔赤血淋漓是、北風肅殺大樹顛、猶留遺孽庇敝屣、鷹犬革面悉蛇豕、萬乘不抵一敵屣、當時微公山墮地、萬世社稷頓絕祀、喪利悵然得、利喜滿港海、賈孰知此、惟見湊川入海長、紅塵埋沒古軍壘、噫公忠義海深山、岳峙浩、洋溢大地程、千歲之下、使人肅生氣、凜、公不歿、擠兩扶北論何鄙、寧異當時反覆十、金篋且醫天賦眼、何不請豐碑銘矣、茲、姦雄跡何在、回頭京洛暮山紫、

兵庫有感

儀仗映日、日色明、六龍無聲和鑿鳴、萬國赤子齊舉首、鸞輿啓行還舊京、京道坦、接兵庫、拜迎者臣楠正成、侍臣傳詔龍顏喜、討賊功賴汝忠誠、再仰天口臣至幸、豺狼伏誅君威靈、赤手復障倒流水、一木難支大厦傾、一劍殉國、死臣分、凶賊不共戴、天生好、當年迎君地、長有精神護、朝廷、

鍊鱗角歌

攸史憤發豎頭髮、誦到楠公嬰千窟、函裏寶刀躍有聲、眼明觀吾三尺鐵、多門兵衛楠正成、鏤在刀背字慘烈、摩挲舊物五百年、在事儼然在史編、奸賊氣焰



衝上天義旗不動孤城堅此刀此時直似魯陽戈一  
揮挽回頽日迫虞淵櫻井之驛戰血迸大樹顛覆北  
風勁訣兒爲傳殉國劍此刀亦應并脫贈上帝役鬼  
神呵護天地存麟角振公嗟麟昭卓出虎狼群  
吾祖北遊搜靈祕一見舞蹈欽忠義命工摸造遺子  
孫佩之妖魅怪物皆逃避一刀千古守不失長砥吾  
家世忠憤志

題小楠公如意輪堂龕扉和歌拓本後

鷺津監

空堂白日雷電掣倏忽光四射四壁其誰書者小楠

公三十一言扶皇極好色人所欲帝錫寵姬不肯娶  
性命人所重帝諭生還不肯顧乃父遺訓銘在肝隻  
手欲撐半壁天虎穴唯應得虎子曾行自喻箭離弦  
維昔正平二年春一門見兵三千名我目所注巨魁  
耳怒馬急槍迅於霆菴戰廿合向無敵衆力同心一  
當百猛如獠鷄逐群鳥賊軍蠡擁望風北忠臣逆臣  
俱戰場興衰運殊力空強出師豈豫測利鈍一歎履  
言無遺恨武穆曾刺肩背涅信國既製衣帶贊公風  
聲義烈與日星河嶽並存夫奸雄制勝一時不能遂  
拚其隻句片言如意廟芳山巔鬼神呵護五百年誰



人拓來盈尺紙、分明猶見手澤痕、字兮何峻厲、乃是  
當日戰鋒之銳、墨兮何黯黢、乃是當日陳雲之黝、君  
不見西海之裔壽安之峰、摩石十丈倚蒼穹、紊亂名  
義無忌憚、文奸偽飾擬禪封、十有三世亂離極、家與  
碑版俱斷裂、榮示萬歲竟何如、榮示萬歲今日龜跗  
碑中語無所覓、果知天定靡不勝、誰據夷跖疑報應、

楠公

村上剛

良醫藥籠中、千品無不備、馬勃特得効、貴於參朮貴、  
偉哉我楠公、用人隨其器、有士曾來謁、無能又無智、  
唯善啼哭聲、一哭人墜淚、再哭人斷腸、三哭感鬼魅、

公留而祿乏、人笑且刺、忽然出奇謀、使渠任其事、  
何圖一場哭、却得三軍利、請看天壤間、無一物可棄、

謁楠公墓

小原棟

老柏森々楠公墓、維昔楠公殉難處、想見孤軍擊賊  
戎、滿身是膽氣如虹、祁山出師星已殞、睢陽爲瘡語  
何雄、忠精自是貫天地、英雄何必論成敗、范々五百  
年間事、金剛不改舊時翠、君不見、等持院金閣寺、有  
冢纍々而無人、洒一淚、

楠中將

中山質

四面妖氛逼紫穹、丈夫獨見豫章公、丹心報國垂臣



南木志 卷之七

鑑碧血霜叢吊鬼雄、恢業空齋諸葛志、勤王首唱遠  
巡忠操觚南董無慚色、竹帛千秋輝大東、

小楠公

勤王奉遺訓、結髮繼箕裘、能致臨危命、豈為私己謀、  
勒名芳野廟、暴骨四條邱、國賊今安在、九原志可酬、

楠典廐

兩帝干城公獨存、紛紜心迹久銜冤、蓋棺論定憑常  
史、應慰英雄未死魂、  
今年大日本史編梓竣功  
列正儀於朝臣傳故及

賦

弔楠公賦

篠崎弼

邦之机隍兮、君臣易位、彌望荆棘兮、育長蛇與封豕、  
維南有喬木兮、實帝之所休息、應良弼之祥夢兮、忠  
與貞以為職、收一旅之餘燼兮、嬰三里之孤城、敵王  
愾以獻功兮、奉鸞駕於玉京、噫、宴安之多毒兮、同覆  
轍於開寶、殘骨肉以資寇兮、寇與屨其顛倒、四方其  
誰不解體兮、前纔拒虎後進狼、維公之志如白日兮、  
不為陰羆變其光、雖吾謀之不用兮、致戮身而後已、  
錫善類於闔族兮、與帝統而終始、昔炎漢之將燔兮、

南木志 卷之七

六十五







